



Concello de Vigo

D^a. OLGA ALONSO SUÁREZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión **extraordinaria e urxente do 5 de febreiro de 2017**, adoptou o seguinte acordo:

2.- AMPLIACIÓN DO CONTIDO DO “PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTRAOS E ALIMENTACIÓN-2018”. EXPTE. 148852/301.

Examinadas as actuacións do expediente, dáse conta do informe-proposta do 2/02/18, asinado polo xefe da Área de Benestar Social, o asesor xurídico adxunto á xefatura de Benestar Social, e a concelleira delegada de Política Social, que di o seguinte:

I. ANTECEDENTES

I.1. En sesión ordinaria do 11.01.2018, a XGL aprobou as bases e a convocatoria do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018» (AEFAS 2018). As bases foron xa publicadas no BOPPO nº 15, do 22.01.2018.

I.2. O 19.01.2018, desde a Área de RRHH e Formación indícase a necesidade de formular proposta complementaria á XGL na que se concreten as necesidades de persoal para a execución do Programa en 2018.

I.3. En data 22.01.2018 formulouse tal proposta complementaria á XGL para a dotación pola Área de RRHH e Formación do persoal necesario para a xestión destas axudas. Devolto o expediente pola Secretaría de Goberno Local o 24.01.2018, recibíuse o 01.02.2018 unha dilixencia conxunta da secretaria e a xefa de Área de RRHH e Formación na que se sinala a necesidade de *“realizar algunhas modificacións para garantir a coincidencia”* daquela proposta cos *“modelos”* remitidos o 19.01.2018 pola TAX de RRHH á xefatura de Benestar social por correo electrónico. En realidade, non se enviou *“modelo”* ningún senón, simplemente: *“... un par de acordos. En los dos, piden necesidad de efectivos para el programa, y duración del mismo»*.

II. INFORME

II.1. O resumo do Programa do ano 2017 («PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2017») pode sintetizarse nos seguintes datos:

AEFAS – 2017

Total de pagamentos **7.590**



Copia do documento - Concello de Vigo	Data impresión: 27/04/2024 07:36	Páxina 1 de 4
SUBVENCIONS	CSV: A6A34E-56DFB2-2382DA-Y65G81-393AYU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Nº Solicitudes	2.751
Denegadas	804
Concedidas	1.947
Euros/Punto	93,39
Importe repartido	1.599.957,48 €
Total puntos	17.132
Forma de pago	Número
Transferencia	3.317
Tarxeta	1.947
Cheque	2.326

II.2. O elevado número tanto de solicitudes que hai que valorar (arredor de 3.000, coa súa documentación anexa) como dos pagamentos resultantes da resolución da convocatoria, fai totalmente imposible a súa tramitación co persoal actual do Servizo de Benestar Social, lastrado por unha deficiencia estrutural de efectivos.

Lémbrese que no mes de decembro de 2017 reiterouse a solicitude de que se cubran interinamente as prazas vacantes neste Servizo (6 auxiliares administrativos) e se nomeen a outros/as dous/dúas (2) auxiliares administrativos/as por acumulación de tarefas, sen solución de continuidade.

II.3. Na precaria situación descrita, para a axeitada xestión deste Programa de axudas sociais en 2018 sería necesaria a dotación do seguinte persoal:

- Catro (4) auxiliares administrativos/as, por acumulación de tarefas por un periodo de 6 meses, no que se inclúen as fases de recollida de solicitudes e documentación, valoración e resolución das mesmas.
- Catro (4) auxiliares administrativos/as, para todo o Programa, no que se inclúen as fases anteriores máis o aboamento das axudas en cada prazo, tramitación de recursos, etc.

II.4. O «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018» (AEFAS 2018) ten unha duración estimada de once (11) meses, desde a publicación da convocatoria no BOPPO e ata o 31.12.2018.

II.5. A figura do funcionario interino para a execución de plans ou programas de carácter temporal está expresamente prevista no Art. 10.1.c) do RDLex. 5/2015, do 30 de outubro (Texto refundido do EBEP) e no Art. 23.2.c) da Lei 2/2015, do 29 de abril, de Emprego público de Galicia, cos límites temporais e nos termos e condicións establecidos na normativa básica de aplicación, non podendo en ningún caso os ditos programas respostar a necesidades permanentes da Administración nin exceder dun prazo máximo de 3 anos, ampliables ata 12 meses adicionais polas leis de función pública que se dicten en desenvolvemento do EBEP.



Copia do documento - Concello de Vigo	Data impresión: 27/04/2024 07:36	Páxina 2 de 4
SUBVENCIONS	CSV: A6A34E-56DFB2-2382DA-Y65G81-393AYU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Os mesmos textos legais permiten tamén o nomeamento de funcionarios interinos nos casos de exceso ou acumulación de tarefas, “*de carácter excepcional e circunstancial*”, por un prazo máximo de seis (6) meses, dentro dun período de doce (12) meses e sen que en ningún caso poidan superar o 20% do total do persoal funcionario do centro directivo nin o 3% do persoal funcionario desta Administración (Arts. 10.1.d] TREBEP e 23.2.d] L.2/2015).

II.6. Esta proposta, carente por sí mesma de contido económico, derivará -de ser o caso- na tramitación dos expedientes administrativos de selección do persoal solicitado, que serán os que sí teñan un custo susceptible de imputación orzamentaria e contable con cargo ós orzamentos municipais, motivo polo cal non resultaría necesaria a fiscalización previa neste momento pola Intervención xeral municipal de acordo co disposto no RDLex. 2/2004, do 5 de marzo, polo que se aproba o Texto refundido da Lei Reguladora das Facendas Locais, tal como xa indicou o Sr. Interventor no seu informe a este mesmo expediente o 23.01.2018.

II.7. Sen entrar a valorar as supostas “*esixencias procedimentais*” (inéditas para os mesmos Programas de axudas dos anos 2014, 2015, 2016 e 2017) ou a existencia de “*modelos*” (oficiais) para a aprobación de Programas, o certo é que esta proposta cumpre o indicado pola xefatura de RRHH e Formación sobre a necesidade dun:

“...acuerdo en el que el Area gestora del programa indique los medios humanos que estima oportunos para afrontar el programa y el tiempo de duración estimada del programa, así como el correspondiente acuerdo de la XGL dando aprobación a dicha aplicación/modificación del programa en cuanto a las necesidades de medios humanos para su efectiva materialización”.

III. PROPOSTA

Visto o que antecede e a normativa aplicable, propónse á Xunta de Goberno Local (Art. 127.1.h] LRRL) a adopción do seguinte,

«ACORDO

PRIMEIRO: Ampliar o contido do «PROGRAMA MUNICIPAL DE AXUDAS EXTRAORDINARIAS A FAMILIAS PARA GASTOS DE ALOXAMENTO, SUBMINISTROS E ALIMENTACIÓN – 2018», aprobado na sesión ordinaria da XGL do 11.01.2018 (Exp. nº 148852/301) e publicado no BOP de Pontevedra nº 15, do 22.01.2018, no sentido de establecer as necesidades de persoal para a súa implementación neste exercicio, que se concretan en:

- Catro (4) auxiliares administrativos/as, por acumulación de tarefas por un período de 6 meses, no que se inclúen as fases de recollida de solicitudes e documentación, valoración e resolución das mesmas (Arts. 10.1.d] TREBEP e 23.2.d] L.2/2015).
- Catro (4) auxiliares administrativos/as para todo o Programa, no que se inclúen as fases anteriores máis o aboamento das axudas en cada prazo, tramitación de recursos, etc. (Arts. 10.1.c] TREBEP e 23.2.c] L.2/2015 ».

SEGUNDO: O Programa será xestionado polo Servizo de Benestar Social e terá unha duración estimada de once (11) meses, desde a publicación da convocatoria no BOPPO e ata o 31.12.2018.

TERCEIRO: Dispoñer que os correspondentes nomeamentos como funcionarios/as interinos/as se leven a cabo coa maior celeridade posible, a fin de non demorar a execución deste Programa



Copia do documento - Concello de Vigo	Data impresión: 27/04/2024 07:36	Páxina 3 de 4
SUBVENCIONS	CSV: A6A34E-56DFB2-2382DA-Y65G81-393AYU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

de axudas sociais, co que se pretende que as persoas beneficiarias poidan facer fronte ós gastos derivados do uso da vivenda habitual, da compra de alimentos e dos subministros básicos do fogar».

Non obstante, a Xunta de Goberno Local, co seu superior criterio, adoptará o acordo que estime máis oportuno.

Acordo

A Xunta de Goberno local a proba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 27/04/2024 07:36	Páxina 4 de 4
SUBVENCIONS	CSV: A6A34E-56DFB2-2382DA-Y65G81-393AYU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		